

Igl meis da december 2020 ò la suprastanza communal tracto tranter oter igls affars suandonts:

Immobiglias, santieri e fatgs da sepultura, provedimaint d'ava

- Decidia da realisar la proposta digl cunsegl da scola da far pi ot la seiv existenta tar la tgesa da scola Grava a Savognin, ord muteivs da siertad.

Fatgs generals, fatgs da persunal, economia e provedimaint d'energeia

- Piglia cunaschiantscha digl plan da termins 2021 per radunanzas communalas e sedutas dalla suprastanza digl cumegn da Surses.
- Piglia cunaschiantscha digl program da promoziun «maseiras da pilot NPR» (nova politca regionala) per las regiuns da muntogna ed incumbenzo igl post digl svilup digl li digl cumegn da Surses d'evaluar las tematicas per projects pussebls.
- Decidia da sustignair venavant l'iniziativa da project dalla Regiun Alvra per en'equipaziun competitiva cun bindel ultraot e lartg an Surses (min. 100 Mbit/s) e d'instradar maseiras per registrar igls implants digls conducts correspondents (datas SIG).

Turissem

- Decidia da sustignair igl project digl cunsegl da fundaziun digl «Museum Curvanera Savognin» cun ena contribuziun finanziaria per biagier aint tualettas aint igl bietg digl museum e per renovar l'illuminaziun.
- Decidia ansemen cun la TSBA SA da sustignair l'instituziun Origen Festival Cultural cun ena contribuziun finanziaria per gidar cuvreur las sperditas or dalla vendita da biglets, resultadas dallas maseiras cunter la pandemia digl coronavirus.
- Decidia an collaboraziun cun las pendicularas da Savognin da scumanzar la staschung da stad 2021 la sonda, igls 22 da matg 2021.
- Piglia cunaschiantscha dall'obligaziun digls cumegns cun territoris da skis e cun numerous sportists d'anviern (lis da sport d'anviern) da luvrar or en concept da protecziun communal per impedeir la derasaziun digl coronavirus. Siva l'elaboraziun digl concept da protecziun correspondent è chel nia approvo dalla suprastanza cun las maseiras necessarias per igl territori communal.

Fatgs da construcziun, planificaziun digl territori e planisaziun locala

- Piglia cunaschiantscha dall'ideia da project per la renovaziun generala dalla reit da veias campestras digl cumegn da Surses. La realisaziun vign a succeder an etappas. Per las veias campestras da Savognin è gio avantmang en project lubia digl onn 2005. Percheigl duess chel project neir realiso an en'emprema fasa. Ultra da chegl duess aveir prioritad la renovaziun dalla veia Cavreccia a Beiva.
- Decidia da manar tras la revisiun parziala dalla lescha da biagier digl anteriour cumegn da Savognin pertutgont art. 20 "zona digl center" ed approvo an chel senn las actas correspondentas per l'exposiziun da cooperaziun.
- Decidia da proponer agl departaimaint d'economia publica e fatgs socials, da prolungar la zona da planisaziun per dus ulteriours onns.
- Decidia d'introduer la regulaziun da parcar nova concernent staziuns da carger vehichels electrics a Beiva e delibero la publicaziun uffiziala dall'exposiziun da recurs correspondent.

Ovras communalas incl. infrastruttura turistica, economia forestala

- Delibero igl credit per cumprar quatter containers gronds (per camiuns) per tgi l'impresa Deponia e Tgava Artgaz ScRL saptga transportar davent igl rusment verd dallas deponias a Savognin ed a Beiva.